

## VÅGÅ FJELLSTYRE

## MØTEBOK

Arkiv	Saksbehandlar	Møtedato	Sak nr.
433.1	Knut Øyjordet	24.05.18	21/18

**SØKNAD OM TRASE FOR VANDRERUTE I "EDWARD MUNCHS FOTSPOR"***Saksdokument:*

Søknad av 27.04.18.

*Saksutgreiing og vurdering:*

Vågå kommune har i løpet av dei siste åra saman med fleire lokale Edvard Munch-entusiastar utvikla og bygd opp ei vandrerute i Vågåmo. I Ullinsvin er det mogleg å gå i den gamle prestegarden som er restaurert og oppattbygd slik den var på oldeforeldra Peder og Christine Storm Munchs tid. Vågå kommune er knytt inn eit nettverk av 10 partar, og det er sett i gang eit regionalt prosjekt som skal arbeide for å få opp "Den nordre rute", eit samarbeid mellom Løten kommune, Vågå kommune og Munchmuseet. "Den nordre rute" går ut på å etablere publikumstilbod slik at kunstnaren Edvard Munch sitt fødestad på Løten og farsslekta og tilknytingen til Vågå blir kjent.

Det eine produktet er "Vandring i Edvard Munchs fotspor", som vil følgje den ruta Edvard Munch gjekk i 1895 frå Bessheim, ned Sjodalen til Randsverk, vidare forbi Lemonsjøen, forbi Flatningen og ned til Vågå. Det er planlagt å setje opp skilt og informasjonstavler undervegs. Prosjektet ber om eit "rammeløyve" frå Statskog og fjellstyret for å gjennomføre tiltaket frå våren 2018 til våren 2020. Detaljeringsgraden er førebels ikkje avklart, men vandrestigen vil i størst mogleg grad følgje eksisterande skiløypetrasear og stigar. Vågåfjell Turløyper er informert om tiltaket.

Søknaden verkar grei og lite konfliktsfull.

**Innstilling til vedtak:**

Fjellstyret viser til saksutgreiinga, og har ingen merknader til at det blir etablert ei merka vandrerute frå Bessheim til Vågåmo i samband med prosjektet "Vandring i Edvard Munchs fotspor". Dersom det blir aktuelt å ta i bruk trasear utanom eksisterande stigar eller skiløyper, så ber fjellstyret om å få moglegheit til å kunne uttale seg om det.

**Vedtak:**

Samrøystes: Som innstillinga.

*Rett utskrift. Går til:*

Statskog v/Trond Berger

Produktansvarleg for "Den Nordre rute", Dag Lindvig

Vågåmo, 24.05.18

Knut Øyjordet (e.f)

---

Adresse	Telefon	Bankgiro	E-post
Postboks 16 2684 VÅGÅ	61 29 37 37	2085.25.13625	vaga@fjellstyrene.no